



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Iurisdictione Episcoporum Germaniae


Wintzler, Christoph

Coloniae, 1614

5. Edictum de immatriculandis Notariis & exequendis mandatis.

urn:nbn:de:hbz:466:1-10387

Edictum de immatriculandis Notariis & exequendiis mandatis.


 In Gottes Gnaden wir Ernst Erzbischoff zu Cölln/ des Heiligen Römischen Reichs durch Italien Erzkansler vnd Churfürst / Bischoff zu Lüttig / Administrator dero Stifter Münster/ Hildesheim / vnd Freysing/ Fürst zu Stabul/ des Primat vnd Erbstiftes Magdenburg Thumprobst/ Pfalzgraue bey Rheyne/ in Obern vñ Niedern Beyerne / Westphalen/ Engern/ vñ Bullion Herzog / Marggrau zu Francimode/ zc. Thun kundt/ vñ menniglich htemit zu wissen/ das wir eine geraume zeit hero im werck befunden vñnd erfahren / wie zu abbruch schmelierung/ vñ Confusion vnser Erbstiftes Cölln höch Ober vñ gerechtigkeit/ auch vñ alters wolherbrachter ordinari Jurisdiction verschiedene Process/ Urtheil/ Brieff/ vñ Executorial Mandata, ohne rechten gemachtē vñnderscheid/ vñ intitulatur, wie auch derē Richtern/ vñnd exequirenden Pottē vñ Notariē außgelassē/ verkündet vñ auff derē execution bestāden/ vñ ohne vnserē/ vñ vnserer Beambtē gebürliche requisition getrungen würd/ das auch durch vñnerfahrēheit derē Notariē/ die Executiones nit recht fürgenōmen/ zu dem hin vñ wieder viele in dē Rechte vnbeständige Testamēt/ Contract vñ andere Actus ins gemein aufgericht/ beschriebē vñ instrumētirt, dardurch mehr vnruh/ newe beschwerliche/ langwirige Processen/ vñ kostē den armē Leuten zum höchstē verderben verursacht werdē/ vñ wir dan allem solchen vnordentlichen vnrichtigen/ auch vnserm Erbstift/ vñnd dessen Ordinari Jurisdiction

diction

& Diction hochnachteilicher verhandlung/vñ das bis-
 hero ins gemein dē armen ohne das gnug verderb-
 ten Vnderthanen zu wachsenden vnwiderbringli-
 chen schaden länger vngeandt nicht zusehen sollen
 noch wollen/ So befehlen wir demnach allen vnd
 jeden vnseren Rāthen/ Officialen/ Commissarien/
 Amteleuten/ Bögten/ Schultessen/ auch Bürger-
 meister/ Scheffē/ Rāth/ vñ andern Befelchhabern/
 Potten/ vnd Vnderthanen/ sampt vñnd sonder/
 gnedigst auch ernstlich hiemit/ vnd wollen/ das ihr
 fürbas keine mandata oder Process/ einichs orths
 in vnserē Erzhstift von Geist/ oder Wellichen an-
 nehmē/ viel weniger darauff einige würckliche Exe-
 cution thuen/ oder auch durch andere beschehen las-
 sen/ es seyen dann dieselbigen bey euch selbst Iudi-
 cialiter cum causæ cognitione außgeführt / oder
 vnder vnserm Officialat Siegelen in Cölln/ Bonn/
 oder vnserm Churfürstlichen Secret außgefertigt/
 Soltē aber einige mandata, Vrtheil/ Executorial
 oder requisitorial Brieff vnder eins andern Rich-
 ters nahmē verkündet/ vñ deren Execution gesucht
 werden / habt ihr dieselbe zu vnser Cankley auff
 Bonn zuuerweisen/ gestalt daselbst gebürtlichen be-
 scheidis zuerwarten/ bis dahin aber mit der Execu-
 cution einzuhalten/ Wie ihr dann auch keine No-
 tarien zu auffrichtung vnd beschreibūg einiger Te-
 stament/ Contract/ Instrument/ oder documen-
 ten zu zulassen/ viel weniger solche Actus, was derē
 nach drey Monatē von zeit publication dieses ge-
 macht/ als gültig vnd bestendig/ in/ oder außserhalb
 Gerichts anzunehmē/ sonder mehr/ als nichtig vñ
 vnkressig zuuerwerffē/ darauff keine Processē zue-
 fennen/ viel weniger einige Execution zuerstattē/
 bis

bis dahin solche Notarii bey vnser Bonnischert
 Cankelen/examinirt/approbirt/eingeschrieben/vnd
 euch diesfalls gnugsamer schein vorbracht/ zu wel-
 chem endt ihr alle vnd jede Notarien / die jr Nota-
 riat ampt in vnserm Erbstift eins / oder des ande-
 ren orths zu vben/vnnd zugebrauchen vorgenomē/
 anhero zu vnser Cankley ad examinandum vnnd
 ferneren gebürlichen bescheidts abwartung zuuer-
 weisen/ alles bey vermeidung vnser straff vnnd vn-
 genadt/wie wir vns dann dieselbige straff / sonder-
 lich auch gegen die jenige Notarien/welche sich vor-
 berürter Contract auffrichtung / auch deren Exe-
 cution/Insinuation/vngeacht gegenwertigen vn-
 seren Edict vnnd verbots einiges wegs vnderfan-
 gen/ausdrücklich hiemit vorbehalten thun/an demē
 allem beschicht vnser zuuerlässiger/gnedigster/auch
 ernst- vnd endlicher befelch hiemit. Brkund vnser
 zu endt auffgedruckten Secrets. Geben den 8.
 Monatstag Nouembris Im 1609. Jahre.

